

娑婆

合二吒

半音

娑婆

合二吒

娑嚩

引二合

訶引

誦一徧已及諸香藥一擲火中盡一百八枚
已所求之願皆得成就是時聖者不違本誓
疾至道場爲作加護若有惡夢由加持力皆
悉不現究竟消滅行者作前諸法念誦畢已
當出道場起慈悲心勿生怨害經行任意轉
讀大乘

聖閻曼德迦威怒王立成大神驗念誦法

大乘方廣曼殊室利菩薩華嚴本教讚閻曼
德迦忿怒真言大威德儀軌品

唐三藏沙門大廣智不空奉 詔譯

爾時金剛手大藥叉將在彼衆會從座而起
偏袒右肩右膝著地於佛世尊合掌禮敬而
白佛言世尊曼殊室利童真不廣說閻曼德
迦忿怒王我觀未來有情如來涅槃後佛教
隱滅大恐怖末法之時無聲聞緣覺遠離佛
刹護持正法故法界久住故制伏一切難調
悖逆僞王故不利益三寶者菩薩善巧以此

不思議法治罰調伏滿足故以不思議法成
熟離惡趣故於佛法磨滅時令住持佛法者
依法教持誦閻曼德迦忿怒王皆悉決定成
就不益於佛教有情及悖逆僞王於佛教不
益者有情應用閻曼德迦忿怒王非餘類者
爾時世尊默然入遊戲神通加持三昧曼殊
室利菩薩亦寂默而住一切集會衆六種震
動天衆皆悉驚忙惶怖一切天龍阿修羅王
及諸母天一切曜等并天人衆彼等震動心
生苦惱惡心布單那暴惡者並皆歸依法王

教及秘密主藥叉金剛手大威德及歸依曼
殊室利童眞眞言三昧耶彼等咸作是言曼
殊室利願垂哀愍救護我等被此忿怒眞言
燒爍我輩皆受楚苦悶絕躋地時大威德以
曼殊室利童子形而作是言

諸天等勿怖藥叉羅刹娑及諸修羅衆
我說三昧耶無能違越者人非人鬼神
及諸部多等汝等發慈心咸念正等覺
法王兩足尊釋師子仁王彼佛說眞言
佛頂佛眼等於三界中輪光聚勝高頂

最勝頂真言	蓮華手觀音	聖觀自在尊
毗俱胝多羅	名稱明妃尊	白衣及大白
野輪縛底明	威德馬頭尊	蓮華族明王
最勝佛流出	一字轉輪王	真言中主宰
應念天中天	明主大威猛	大忿閻曼德
亦念觀自在	從心起悲愍	先佛故宣說
多羅救有情	觀自在所說	住悲三摩地
聖者現女形	是菩提薩埵	行於菩提行
於諸千世界	復於無數刹	遊歷諸苦難
拔濟諸有情	持妙色女容	調伏皆令順

安立菩提乘	為諸菩薩說	應念金剛手
勤勇真言王	持族麼莫難	三界應供者
鉤鎖彌佉羅	金剛拳名稱	忿怒妙月鬘
青棒恐怖形	如是使者眾	忿怒名天師
金剛族最勝	若念便加護	世間中香眾
菩薩大威德	得大勢菩薩	大威德長子
普賢端嚴尊	是時若憶念	遠離諸恐怖
復常常憶念	寶賢大自在	最勝藥叉王
聲聞緣覺眾	咸皆離諸怖	若供養彼等
即得大加護	廣果及福生	色無色諸天

離欲大威德	供養三寶者	淨信於佛教
彼皆無所有	友非友怖畏	則名三昧耶
諸真言難越	此忿怒中勝	閻曼德所說
徧護諸有情	一切天人衆	咸皆生歡喜
各住於本誓	佛子皆稱讚	聞此陵忽言
藥叉主忿怒	於彼時震動	無數千世界
忿怒王無益	何故諸佛子	而已先宣說
忿怒王威德	調伏暴有情	在於大衆中
高聲而告令	金剛手言已	棄擲金剛杵
則彼大威德	妙音智慧尊	童子形嗤誚

復作如是言	勿惡大藥叉	金剛手威德
我所說此聖	怒王大自在	我今授與汝
恣意而廣說	汝豈盡能述	忿怒王威德
是汝所任持	如在身中現	攝召咸來集
心明復問答	不能現變化	忿怒阿尾奢
聽汝廣宣說	除捨三昧耶	不澡浴耽眠
隨順於愛慾	塗油貪與飾	瞋怒心常恒
棄捨勝真言	不淨信佛教	疑惑於王德
惡行不淨信	於妙法僧寶	謗毀心散動
穢汙於三寶	非清淨境界	不密真言教

常穢無哀愍 天室寺道場 於中穢汙行

如是諸類等 忿怒皆摧壞 破三昧耶禁

不知相應明 乃至微虧行 忿怒皆治罰

人間一切處 不可免放逸 放逸心染著

若毀三昧耶 忿怒王得便 愚夫一切處

隨順於放逸 修行真言者 應離欲解脫

如聲聞緣覺 忿王無能逼 曼殊悲愍心

說如是語已 諸佛難思行 及菩薩大威

作如是語已 寂默而安住

爾時吉祥大威德金剛手菩薩既蒙印可踊

躍歡喜復引手捫持金剛杵

大東方廣曼殊室利菩薩華嚴本教讚聞曼
德迦忿怒真言大威德儀軌品

大方廣曼殊室利童真菩薩華嚴本教讚聞
曼德迦忿怒王真言阿毗遮嚕迦儀軌品

唐三藏沙門大廣智不空奉 詔譯

爾時金剛手秘密主觀察大集會眾及淨居
天宮坐眾作是告言汝等應聽忿怒王無比